

### 0.0.1 paṭhamasikkhāsuttam

1. sādhikamidaṃ bhikkhave diyaḍḍhasikkhāpadasa-  
taṃ anvaddhamāsaṃ uddesaṃ āgacchati, yattha at-  
thakāmā<sup>1</sup> kulaputtā sikkhanti. tisso imā bhikkhave  
sikkhā, yatthetaṃ sabbaṃ samodhānaṃ gacchati. ka-  
tamā tisso: adhisīlasikkhā adhicittasikkhā adhipaññā-  
sikkhā. imā kho bhikkhave tisso sikkhā, yatthetaṃ  
sabbaṃ samodhānaṃ gacchati.

2. idha bhikkhave bhikkhu sīlesu paripūrakārī hoti,  
samādhismiṃ mattasokārī. paññāya mattasokārī. so  
yāni tāni khuddānukhuddakāni sikkhāpadāni tāni āpaj-  
jati'pi vuṭṭhāti'pi. taṃ kissa hetu? na hi mettha bhik-  
khave abhabbatā vuttā. yāni ca kho tāni sikkhāpadāni  
ādibrahmacariyikāni brahmacariyasāruppāni tattha dhu-  
vasīlī ca<sup>2</sup> hoti ṭhitasīlī ca. samādāya sikkhati sikkhā-  
padesu so tiṇṇaṃ saṃyojanānaṃ parikkhayā sotāpanno  
hoti avinipātadhammo niyato sambodhiparāyaṇo.

3. idha pana bhikkhave bhikkhu sīlesu paripūrakārī  
hoti samādhismiṃ mattasokārī, paññāya mattasokārī.  
so yāni tāni khuddānukhuddakāni sikkhāpadāni tāni  
āpajjati'pi vuṭṭhāti'pi. taṃ kissa hetu? na hi mettha  
bhikkhave abhabbatā vuttā. yāni ca kho tāni sikkhā-  
padāni ādibrahmacariyikāni brahmacariyasāruppāni,  
tattha dhuvasīlī ca hoti ṭhitasīlī ca. samādāya sikkhati

<sup>1</sup>[bjts] = atthakāmā + 1. attakāmā - machasaṃ.

<sup>2</sup>[bjts] = dhuvasīlī ca + 1. dhuvasīlo ca - [pts.] machasaṃ.

sikkhāpadesu. so tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmi hoti sakideva imaṃ lokaṃ āgantvā dukkhassantaṃ karoti.

4. idha pana bhikkhave bhikkhu sīlesu paripūrakārī hoti samādhismiṃ paripūrakārī paññāya mattasokārī. so yāni tāni khuddānukhuddakāni sikkhāpadāni tāni āpajjati'pi vuṭṭhāti'pi. taṃ kissa hetu: na hi mettha bhikkhave abhabbatā vuttā. yāni ca kho tāni sikkhāpadāni ādibrahmacariyikāni brahmacariyasārūppāni tattha dhuvasīlī ca hoti ṭhitasīlī ca<sup>3</sup> samādāya sikkhati sikkhāpadesu. so pañcannaṃ orambhāgiyānaṃ saṃyojanānaṃ parikkhayā opapātiko hoti tattha parinibbāyī anāvattidhammo tasmā lokā.

5. idha pana bhikkhave bhikkhu sīlesu paripūrakārī hoti, samādhismiṃ paripūrakārī. paññāya paripūrakārī. so yāni tāni khuddānukhuddakāni sikkhāpadāni, tāni āpajjati'pi vuṭṭhāti'pi. taṃ kissa hetu? na hi mettha bhikkhave abhabbatā vuttā. yāni ca kho tāni sikkhāpadāni ādibrahmacariyikāni brahmacariyasārūppāni, tattha dhuvasīlī ca hoti ṭhitasīlī ca<sup>4</sup> samādāya sikkhati sikkhāpadesu. so āsavānaṃ khayā anāsavaṃ cetovimuttiṃ paññāvimuttiṃ diṭṭhe'va dhamme sayama abhiññā sacchikatvā upasampajja viharati.

---

bjt page 412

<sup>3</sup>[bjts] = ṭhitasīlī ca + 2. ṭhitasīlo ca - [pts] machasaṃ.

<sup>4</sup>[bjts] = ṭhitasīlī ca + 2. ṭhitasīlo ca - [pts] machasaṃ.

6. iti kho bhikkhave padesaṃ padesakārī ārādheti.  
 paripūraṃ paripūrakārī. avañjhāti<sup>5</sup> ttevāhaṃ bhik-  
 khave sikkhāpadāni vadāmī'ti.

---

<sup>5</sup>[bjts] = avañjhāti + 3. avajjhāni - [pts].